

13th October 2024 1815

Headlines

- राष्ट्रपति द्रौपदी मुर्मु होर अज्जै थमां त्र'ऊं मुख्खें— अल्जीरिया, मॉरीटैनिया ते मलावी दे दौरे पर रौह्ङन।
- गृह मंत्रालय नै मुख्ख भरै च केन्द्र सरकार दे सब्बनें मैह्कमें गी आखेआ ऐ जे ओह् औंदी 24 अक्टूबर गी संयुक्त राष्ट्र दिवस दे मौके पर संयुक्त राष्ट्र दा झंडा पक्क गै चाढ़न।
- प्रधानमंत्री नरेन्द्र मोदी होरें पीएम गतिशक्ति राष्ट्री मास्टर प्लान दे त्रै ब'रे पूरे होने दी सराहना कीती ऐ।
- जेनेवा च अंतर-संसदीय संघ दी 149मीं सभा अज्जै थमां शुरु होआ करदी ऐ।



Prez. Visit

राष्ट्रपति द्रौपदी मुर्मु होर अज्ज बडलै अल्जीरि, मॉरिटीनिया ते मलावी दे त्रै देशें दे दौरे लेई रवाना होइयां। उंदा अज्ज भारतीय समें मताबक तकरीबन 9 बजे रातीं अल्जीरिसया पुज्जने दा कार्यक्रम ऐ। भारत दे कुसै बी राष्ट्रपति दी इनें त्रै अफ्रीकी देशें दा एह पैह्ला दौरा ऐ। इक ब'रे पैह्ले भारत दी प्रधानता च अफ्रीकी संघ गी जी-20 दा स्थयी मिंबर बनाया गेआ हा। अपनी यात्रा दरान श्रीमती मुर्मु होर दक्खी बैठकां लांगन ते भारतीय समुदाय दे लोकें गल्लबात करगंन। त्रै दिनें दे दौरे दरान राष्ट्रपति मुर्मु पीपल्स डैमोक्रेटिक रिपब्लिक ऑफ अल्जीरिया दे राष्ट्रपति अब्देल मदवीद ते होर दुए मुख्ख मुख्ख लीडरें कन्नै बैठकां लांगन। राष्ट्रपति होर अल्जीरिया दे महत्वै आलिणं सांस्कृतिक ते ऐतिहाथिक थाहरें पर बी जांगन। उंदा भारत अल्जीरिया आर्थिक मंच गी बी संबोधत करने दा कार्यक्रम उे। दौरे दे दुए गेड़ च श्रीमती मुर्मु 16 तरीक गी मॉरिटानिया ते खीरले गेड़ च 17 थमां 19 तरीक तगर मलावी च होंगन। इनें देशें दे दौरे दरान राष्ट्रपति होर इनें देशें दे बड्डे लीडरें कन्ने दक्खी बैठकां लाने दा कार्यक्रम ऐ ते एह्दे अलावा ओ बंज बपार जगत दे लीडरें ते भारतीय समुदाय दे लोकें कन्नै गल्लबात करगंन।



MHA-United Nation

गृहमंत्रालय नै सब्बै केन्द्री मैह्कमे ते राज्यें सनें केन्द्र शासत प्रदेशें दे प्रशासने अग्गे अपील कीती ऐ जे ओ इस म्हीने दी 24 तरीक गी संयुक्त राष्ट्र दिवस दे मौके पर महत्वै आलिणं सब्बने ईमारतें पर राष्ट्रीय झंडा

बी लान। मंत्रालय आस्सेआ जारी कीते गेदे निर्देश च आखेआ गेआ ऐ जे राष्ट्रपति भवन, उपराष्ट्रपति हुंदा घर, संसद भवन, सुप्रीम कोर्ट, राज भवनें, राज निवासें, विधान परिषद भवनें, विधानसभाएं ते होई कोर्टे पर संयुक्त राष्ट्र दा झंडा नेई लाया जाग।

<><><><><><>

India UNICEF

संयुक्त राष्ट्र बाल कोष – यूनीसेफ नै आखेआ ऐ जे भारती सप्लायर वैश्विक सतह पर बच्चे दे संगठन ताई सेहत ते रसद मदाद दे मामले च त्री थाहरै पर ऐ। भारती कारोबारियें वैश्विक सतह पर कीते जाने आहले भलाई बेह्तरी दे कम्में ताई यूनीसेफ गी तकसीफ 6 बिलियन डॉलरें दी लागत आहलियें चीजें—बस्ते गी उपलब्ध करोआया ऐ। भारत दी पैहली सरकारी जात्तरा करने आहली यूनीसेफ दी आपूर्ति विभाग दी निदेशक लीला पक्काला होरें आखेआ जे बच्चे लेई जीवन रक्षक चीजें ते सेवा गी मुहैया करोआने आहला भारत दुनिया भरै दे बच्चे ताई यूनीसेफ दियें कम्में—कार्रवाइएं दा महत्वै आहला हिस्सा ऐ। उनें गलाया जे यूनीसेफ उंदे जोगदान गी महत्व दिंदे होई सराहना करदा ऐ।

<><><><><><>

AAP Rally Doda

आम आदमी पार्टी दे नेता अरविंद केजरीवाल ते पंजाब दे मुख्यमंत्री भगवंत मान होरें अज्ज डोडा दा दौरा लाइयै डोडा असैम्बली हलके थमां नमें चुने गेदे आम आदमी पार्टी दे विधायक मेहराज मलिक हुंदी जित्त दा जश्न मनाया। इस मौके डोडा दे खेड्ड स्टेडियम च इक बड्डी जनसभा लोआई गई जेह्दे च आम आदमी पार्टी दे नेतृत्व नै उत्थुं दे लोकें दा आभार जताया। स्हाड़े जिला संवाददाता फैय्याज पाम्पोरी मुजब, किट्ट अग्गे भाशण दिंदे होई पार्टी दे राष्ट्री कन्वीनर अरविंद केजरीवाल होरें केन्द्र सरकार दे दबाऽ हेठ उंदी पार्टी अग्गे दरपेश चुनौतिएं पर लोऽ पाई। ऊआं उनें आखेआ जे इनें मुश्कलें दे बावजूद उंदी पार्टी मुख्य भरै च अपना दायरा बधा करदी ऐ ते उंदी पार्टी दे अज्ज 5 राज्यें च विधायक न। पंजाब दे मुख्यमंत्री भगवंत मान होरें आखेआ जे उंदी पार्टी दा लक्ष्य लोकें गी खरा शासन उपलब्ध करोआना ऐ।

<><><><><><>

International Disaster Day

अंतर्राष्ट्रीय क्रोपी जोखिम शमण दिवस अज्ज समूलचे विश्व च मनाया जा करदा ऐ। इस ध्याड़े दा मकसद समूलची दुनिया इस बारे जागरूकता फलाना ऐ। संयुक्त राष्ट्र दे महासचिव एंतीनियो गुतरेप होरें जलवायु परिवर्तन गुतरेस होरें जलवायु परिवर्तन कन्नै होने आलिएं क्रोपिएं थमां बच्चे गी बचाने लेई अंतर्राष्ट्रीय पैहल दी

अपील कीती ऐ। इस मौके री गुतरेस होरें जोर देइयै आखेआ जे समाज ते अर्कबवस्था दे अलावा टकोह्दे तौरा पर बच्चे पर क्रोपिएं दा विनाशकारी असर पौंदा ऐ, की जे इंदे करियै उंदी पढाई लखाई, सेहत ते सुरक्षा पर माड़ा असर पौंदा ऐ। इस ब'रे दी सिरलेख ऐ क्रोपी मुक्त भविक्ख लेई अगली पीढ़ी दा सशक्तिकरण एह घ्याड़ा वैश्विक सतह पर क्रोपिएं कन्नै जुड़े दे खतरे गी घट्ट करने च शिक्षा दी महत्वै आली भूमका पर बी लोह पांदा ऐ।

<><><><><><>

Farooq Priority

नेशनल कांफ्रेंस दे प्रधान डाक्टर फारूक अब्दुल्ला होरें आखेआ ऐ जे जम्मू-कश्मीर च नमीं सरकार दी पैहली प्राथमिकता प्रदेश दे दौनें खित्तें दे लोकें गी इकजुट करना ते हाल दे असैम्बली चुनाएं च पैदा कीती गेदी नफरत गी खत्म करना ऐ। उनें आखेआ जे जम्मू-कश्मीर दा राज्य दा दर्जा ब्हाल करना नमीं सरकार दे एजेंडे च शामिल होग। एह गल्ल उनें श्रीनगर च आयोजित दशैहरा कार्यक्रम च हिस्सा लेंदे होई आखी। नेशनल कांफ्रेंस ते कांग्रेस दे गठनबंधन कन्नै प्रदेश च बना करदी नमीं सरकार गी सीपीआई (एम), आम आदमी पार्टी ते केई आजाद विधायकें बी समर्थन दित्ते दा ऐ।

<><><><><><>

PM-Gati Shakti

प्रधानमंत्री नरेन्द्र मोदी होरें प्रधानमंत्री गतिशक्ति राष्ट्री मास्टर प्लान दे त्रै ब'रे मुकम्मल होने पर एहदी सराहना करदे होई आखेआ जे इस योजना कन्नैभारत दे मुंडले ढांचे च बदलाव ते संपर्क च बाद्धा होआ करदा ऐ, जेह्दे कन्नै विकसित भारत दा सुखना सच्च होआ करदा ऐ। इक सोशल मीडिया पोस्ट च बी श्री मोदी होरें आखेआ जे गतिशक्ति ने मल्टी मॉडल संपर्क च महत्वै आला बाद्धा दर्ज कीता ऐ ते बक्ख-बक्ख क्षेत्रें दे तेजिया कन्नै ते कारगर विकास गी जकीनी बनाया ऐ। उनें आखेआ जे बक्खरे-बक्खरे हितधारकें दे इक मिक्क होने करियै लाजिस्टिक तंत्र मजबूत होआ ऐ, होने आली देरी च कमी आई ऐ ते मते सारे लोकें लेई नमें मौके पैदा होए न। प्रधानमंत्री होरें इब्बी आखेआ जे गतिशक्ति कन्नै विकसित भारत दे सुखने गी सच करने च रफतार देआ'रदी ऐ ते एह्दे कन्नै तरक्की, उद्यमिता ते नवाचार गी बढ़ावा थ्होग।

<><><><><><>

PM RSS

प्रधानमंत्री नरेन्द्र मोदी होरें अज्ज राष्ट्रीय स्वयंसेवक संघ आरएसएस दे 100में ब'रे च दाखल होने पर ममारकबाद दितती ऐ। सोशल मीडिया पर पोस्ट राएं श्री मोदी होरें इक एतिहासिक उपलब्धि पर सब्बने स्वयंसेवकें गी बधाई

दिल्ली ऐ। श्री मोदी होरें इब्बी आखेआ जे मां गीरती बक्खी एह् समर्पण ते संकल्प देसें दी हर पीढ़ी गी प्रकरत करोग ते विकसित भारत दे निर्माण च नमीं ऊर्जा दा संचार करोग।

<><><><><><>

RSS Kathua (byte)

राष्ट्री स्वयंसेवक संघ दी कठुआ शाख नै आरएसएस दे स्थापना दिवस ते विजयदशमी दे उपलक्ष्य च अज्ज पथ संचालन दा सरिस्ता कीता। इस मौके पर जिला प्रमुख अश्विनी कुमार, संघ दे मुकामी सह-प्रमुख जीत कुमार ते प्रचारक राजीव हरियानी परौहने दे तौर पर मजूद हे। कार्यक्रम च बड़ी बद्ध गिनतरी च स्वयं सेवकें शिरकत करियै आरएसएस दे ध्वज ते संस्थापक डाक्टर हेडगेवर होरें'गी सम्मान दित्ता। पथ संचालन दी शुरुआत आई.टी. आई. रोड कठुआ थमां होई ते शैहरा दे बक्ख-बक्ख हिस्सें थमां गुजरी जेहदा लोकें फुल बरसाइयै गर्मजोशी कन्नै सोआगत कीता। इस सरबंधे च आकाशवाणी कन्नै गल्ल करदे होई जिला प्रमुख अश्विनी कुमार होरें आखेआ

<><><><><><>

Birla – Geneva IPU

लोकसभा अध्यक्ष ओम बिरला होर अज्जै थमां स्विट्जरलैंड दे जेनेवा च रम्भ होआ करदी अंतर-संसदी संघ दी 149मीं बैठक च संसदी शिष्टमंडल दी नुमाइंदगी करै करदे न। एह् बैठक इस म्हीने दी 17 तरीक तगर चलोग। इक सोशल मीडिया पोस्ट च बिरला होरें दस्सेआ जे अपने दौरे दरान ओह् मती अमन रमानदारी ते टिकाउ भविक्ख लेई साईंस, टेक्नोलाजी ते नमिएं काहडें दे इस्तेमाल विशे पर सभा गी संबोधित करडन। श्री बिरला होरें दस्सेआ जे ओह् अंतर-संसदी संघ दी फ़ैसला लैने आहली परिषदें दी बैठकें च बी हिस्सा लैडन। बिरला होर दुए देसें दिए संसदें दे अध्यक्षे कन्नै बी मलाटी करडन। इंदे अलावा ओह् जेनेवा च भारती समुदाय दे लोकें कन्नै बी मिलडन। शिष्टमंडल च राज्यसभा दे उप-सभापति हरिवंश सिंह, दौनें सदनं दे महासचिव ते नंकां सांसद शामिल न।

<><><><><><>

Exhibition Kala Kendra

संस्कृति ते शिक्षा विभाग दे प्रधान सचिव सुरेश कुमार गुप्ता होरें कला केन्द्र च त्र'ऊं दिनें दी अंतर्राष्ट्री कला प्रदर्शनी ते कार्यशाला दा अज्ज उद्घाटन कीता। कला केन्द्र सोसायटी दे सचिव डाक्टर जावेद राही होरें दस्सेआ जे इस आयोजन राहें मुख्यै दे बक्ख-बक्ख हिस्सें दे 90 कलाकारें दिए डेढ सौ कलाकृतिएं गी प्रदर्शित कीता जा करदा ऐ। उनें शिक्षा दे खेत्तर च कला दे महत्वै पर लोऽ पाई। प्रधान सचिव गुप्ता होरें ऐलान कीता जे प्रदेश दे कला खेत्तर दे विद्यार्थिएं लेई एह् प्रदर्शनी मुफ्त होग। नमें चुने गेदे विधायक युद्धवीर सेठी होर इस कार्यक्रमै दे

खास परीहने हे। उनें गलाया जे नेय कार्यक्रम मुकामी कलाकारें गी देसै दे होरनें हिस्सें थमां आए दे कलाकारें कन्ने मिलने ते विचार सांझे करने दा अनोखा मौका उपलब्ध करोआंदे न।

<><><><><><>

Earthquake

चिनाब घाटी च अज्ज बड्डलै कोई 6 बज्जियै 14एं मिंटे पर भूचाल दे झटके मैहसूस कीते गे। रिक्टर पैमाने पर 4.3 तीव्रता आह्ले इस भूचाल दा केन्द्र डोडा जिले दा गंदोह इलाका हा। ध्यानजोग ऐ जे पिच्छले किश ब'रें थमां चिनाब घाटी च उप्परोतली भूचाल दे झटके लगा करदे न। शुरुआती रिपोर्टें मुजब कुसै थाहरै थमां बी जान-माल दे नुकसान दी कोई खबर नेई ऐ।

<><><><><><>

T20 Cricket World Cup

महिलाएं दे टी20 क्रिकेट विश्व कप दे मुकाबलें च अज्ज ग्रुप-ए दे इक मैच च शारजाह क्रिकेट स्टेडियम च भारत दा मुकाबला अस्ट्रेलिया कन्ने होग। भारत मैच जित्तियै सेमीफाईनल च अपनी थाहर पक्की करने दी पूरी कोश्ट करोग। मैच भारती समें मताबक स'झां साड्डे 7 बजे शुरु होग। ग्रुप-ए च न्यूजीलैंड बी दुई थाहरै आस्तै भारत कन्ने इस द्रौड़ च शामिल ऐ। दौनें टीमें दे 4-4 अंक न। ग्रुप-बी च दक्खन अफ्रीका 6एं अंके दे कन्ने सूची च सब्बनें शा उप्पर बने दा ऐ जेल्ले के 4 अंके कन्ने वेस्टइंडीजघ दुई थाहरै पर ऐ।

<><><><><><>